



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBET ARIIS DISPUTATIONIBUS,
*manè discutienda in Scholis Medicorum, die Martii, vigesimo
Martii, M. DCC. XLII.*

M. PAULO-JACOBO MALOUIN,
è Regiâ Scientiarum Academiâ, Doctore
Medico, Præsîde.

An Herniæ inguinali cum adhæsione, Subligaculum nocet?

I.



IRA profectò corporis humani structura ! quàm tamen in ipsâ naturali partium conformatione nonnihil imperfectum sit ; corpus sit ægritudinibus obnoxium. Exterior *Peritonæi* portio naturâ suâ in inguina producitur, atque Abdominis musculis, in quibusdam sui regionibus minus fulcitur ; obliqui descendentes, quasi annulos exhibent versus inguina : ascendentes, veluti arcus effingunt : transversi, molles tantùm limitès sunt : recti verò se junguntur ad umbilicum, quo perforatur linea alba.

A

2

Aliquando relaxantur hæ partes; aut ipsis infertur vehementior vis, vel ab aliquo corporis conatu, vel à nimia opimarum alvi partium mole; unde, nonnunquam Omentum, sæpè Intestinum, demùm utrũque, extra abdomen exitum perpetuò molientia, utpote summè mobilia, ad inguina exiliunt; vel quùm interna ipsa *peritonæi* lamella transilit suos limites, vel quùm rumpitur; atque ibi repertà vià, paulatim ab inguinibus in scrotum demittuntur; unde hernia enascitur. Dirum sanè morbi genus, ac vulgare! Cui levando proficit subligaculum firmandis partibus continendisque, dummodò hospitalibus in suis sedibus, hæ repositæ sint; aliàs noceret.

I I.

NATURA, quantumvis potens, ærumnas patitur suas, & aliquando deficit: deficienti succurrere ars operosa nititur. Alvinis visceribus cohibendis, quasi totidem sunt fasciæ molles, abdominis muscoli, qui à munere si desciscant suo, cingulis habilibus ad hernias coercendas lumbi redimiuntur. Hæc ita corpus circumcingunt subligacula, ut ab eâ parte quæ herniæ locum pertingit, tenero insternantur pulvino, ita confecto, ut ipso adnitante, foramen ramicis obturent.

Quàm sedulò autem vitari debeat partium constituentium compressio, vix dici potest: nunquam hæc in re satis magna sit Medici cautio. Molles scilicet hæ partes subligaculi globulo facillè vellicantur, contundunturque; unde inflammatio, strangulatus, iliaca affectio, gangræna, cita mors.

I I I.

VEL omenti, vel intestini, vel utriusque extra abdomen prolapsus; res mala: si fit cum adhæsione, pessima. Sæpe autem in herniâ adhæret omentum, sæpius intestinum; simul etiam non rarò fit sacci herniosi adhæsio, vel in arcubus musculorum abdominis, vel in scroto tunica *vaginali*, quàm gravatæ occalent partes. Hæ sic adhærentes extra abdomen lubricæ partes, indociles reductionem pati, devias pertinaciter affectant sedes, atque in alvum nullâ arte reponi possunt, nisi præsentè adhuc inflammatione, in morbi initio, quo tempore quidem adhæsio simul cum inflammatione, resolventibus externè applicatis, & diluentibus internè sumptis, solvi potest; aliàs, ipsam avellere non potis es, nisi dissecantur ramicosæ partes simul adhærentes; quod propter innumera damna quæ istud medendi genus necessariò sequuntur, temerè suscipias.

I V.

PARTES externâ vi divulsas, iterùm jungere, Naturæ opus mirabile; at partes naturâ suâ sejunctas conglutinare, mirabilius. Diverſæ

3
corporis partes, ut intestinum & omentum in sacco hernioso: *sac-*
cus herniosus ipse, & tunica *vaginalis* in scroto, proximè si se tan-
gant, invicem adhærescere possunt, sicut rami arborum se propius
contingentes, simul aliquando coalescunt. Hoc autem in arboribus
non fit, nisi priùs exuta fuerit exterior ipsarum pellicula; tunc
enim, ejus, quæ subest, partis herbaceæ tubuli tubulis applican-
tur, & commune ramis alimentum invehunt. Eâdem ratione, diver-
sæ corporis animati partes, etsi contiguæ sint, non possunt tamen
simul coalescere, nisi priùs extrema earum delibata fuerit cuticula;
quâ quidem avulsâ se mutuò osculantur vasa, & suos inter se li-
quores communicant; atque hujus vulnerationis sanatio, partium adhæ-
sionem perficit.

Intimo ex abdomine lapsus, sive omenti, sive intestini difficili
excremento tumentis, inflammationem vel levissimâ de causâ accer-
sit: inflammata partes succis lentis turgidæ, humorem spissum sub-
albidumque exudant, qui sæpe pro Pure perperam habetur. Humore
isto conglutinantur partes inflammata, atque diutius durante inflam-
matione, acris-*urinosus* fit; & deinde *alkalicus*, partium inflammata-
rum cuticulam corrodit & absorbit. Eheu: quanti hinc sequuntur do-
lores! quantas hoc edit strages! quanta movet funera!

V.

QUO' efficacius aliquod in Medicinâ remedium est, eò, si per-
peram adhibeatur, plus importat mali. Subligaculum in herniis
maximum est adjumentum; intempestivè admotum, plurima infert
incommoda; partes in abdomine non repositas, ubi comprimit, graviter
nocet: reponi autem non possunt, quùm simul adhærescunt.

Non tamen semper eadem est, sed interdum diversa mendendi ratio;
sic in aliquibus observatum fuit, maximè obesis, *epiplocelem* cum adhæ-
sione, subligaculo non-nihil sanatam fuisse, quia omentum in compressio-
nis puncto, ita exile temporis lapsu factum est, ut dilatati annuli sese in in-
tegrum ferè restituerint, dum supra & infra tumidum absque molestiâ erat
omentum. Sæpe etiam, quùm omentum vastius tumens retro compelli
non potest, quanquàm maximè patentes sint annuli, digitis leniter versis
Penein amovetur omentum, atque ita collocatur, ut propè, versùs crus
imponatur subligaculi pulvinus, omentum non comprimens, sed impediens
ne simul exiliat intestinum.

Interdum quoque evenit, ut & intestinum, & omentum, adhæren-
tia sacco hernioso qui liberè pendulus erat in scroto, absque adhæensione
tunicæ *vaginali*, sensim reducta fuerint in abdomen retinaculo cavo,
quod potius ad *suspensorii* continentis, quàm ad subligaculi compri-
mentis speciem accedit. Antequàm autem hanc tenter reductionem Me-
dicus providus auspex, clysteribus intestina vacuari præcipit, atque diu-
turnâ ciborum abstinentiâ, sanguinisque copiosâ missione exonerari curat
vasa, quæ varicosa sunt in parte hujus herniæ extimâ; extrema autem

hæc pars in alvum reducta, intima fit; hæcque ratione, fortiter comprimuntur dilatata hæc vasa; unde, nisi prius vacuata sint, oriuntur atroces colici dolores, & acerbæ iliacæ affectiones; ad quæ quidem sedanda, hernia revocanda est: quod ipse observavi.

Ex his omnibus, non dubitamus asserere generatim suspensoria adhibenda esse in herniis cum adhæsione, in quibus comprimentia subligacula exitiosos producant effectus.

Ergo Hernia inguinali cum adhæsione, Subligaculum nocet.

DOMINI DOCTORES DISPUTATURI.

M. Iosephus - Exuperius
Bertin, *Supremi Valachia & Moldavia Principis Medicus Primarius.*

M. Joannes-Ludovicus Baude de Lacloy.

M. Carolus Dionis.

M. Gedeon de Rabours.

M. Laurentius Ferret,
*Chirurgie Gallico Idioma-
te, Professor designatus.*

M. Joannes Midy.

M. Claudius-Antonius Renard.

M. Petrus-Antonius Lepy.

M. Elias Col de Vilars,
*Saluberrima Facultatis
Decanus.*

Proponebat Parisiis NATALIS-MARIA DE GEVIGLAND,
Parisiinus, Baccalaureus Medicus, A. R. S. H. 1742.
à sextâ ad meridiem.